

Epeso zeŋgât ekap Paulonâ kulemgum ziŋgip.

Mâsop den.

1 ¹Paulo nâ Anutugât sâtkât Yesu Kristogât Aposolo orâwanjâ Epeso kamânân Yesu Kristogât kâmut nâŋgâm pâlâtân kwâkŋaŋgâm kâtigem ândime, zeŋgât ekap zi kulemgum ziŋgan.

²Ibâniŋ Anutu sot Kembuniŋ Yesu Kristo, zekâren gâbâ tânzâŋgozâŋgoŋ sot um lumbe zeŋgâren zimbat.

Anutuŋâ mârurŋan sumbemgât siŋgi kwatniŋgip.

³Kembuniŋâ Yesu Kristo, zâkkât Ibâ Anutu, zâkŋâ sumbemân gâbâ siŋgi âlipkât mâsop topŋâ topŋâ Kristogât opŋâ niŋgip. Zorat nen sâm âlip kwâkŋaŋgânat. ⁴Zâk mârurŋan hân mân muyageibân nen zâkkât mâteŋan um hâlâlu sot tosanŋ buŋ kinatkât Kristogât siŋgi kwatniŋgip. ⁵Zâkŋâ umŋâ gâsânâŋgomŋâ kânŋan nâŋgi zeipkât Yesu Kristogât opŋâ nan bârarâp utnatkât sâm kâtigem niŋgip. ⁶Zikŋâ nanŋaŋgât opŋâ tânzâŋgozâŋgoŋâ sâŋgân buŋ niŋgipkât sâm sâtâre okŋaŋgânat.

Yesugât gilâmŋandâ sâŋgânniŋ meip.

⁷Nanŋâ Yesu, zâkkât gilâmŋandâ sâŋgânniŋ meipkât tosanŋ gulipkukun muyageip. Anutugâren gâbâ tânzâŋgozâŋgoŋ, zorat nâŋgindâ imbanâ opmap. ⁸Zâkŋâ imbanâ patâ tânnâŋgoip. Tânnâŋgom nâŋgânâŋgâ bonŋâ sot top nâŋgânâŋgâŋâ niŋgip. ⁹Oi zikŋik den kânŋan nâŋgi âlip oi itâ mem kwânâŋgip. Zo itâ sâm muyageip. Den zo mârurŋan ekapŋoot zeip. Den zo itâ, ¹⁰“Narâkŋâ nâŋgâwan, zo gâtâm mâte oi Kristonâ a sot kut ŋâi ŋâi hânân sot sumbemân zo mâpotziŋgâmŋâ kâukziŋ sot patâziŋâ upap.”

¹¹Anutuŋâ kut ŋâi ŋâi aksik umŋaŋgârâk sâm kâtigem muyageziŋgâmap, zâk mârurŋan niŋgit nâŋgâm Kristogât opŋâ nen zâkkât a ambân gakârâpŋâ utnatkât sâip. Oi nen siŋgi âlipkât bonŋâ minatkât sâip. ¹²Zorat op kândom Kristogâren nâŋgâm pâlâtân kwâkŋaŋgâm ândimen, nen Anutu sâm sâtâre okŋaŋgâm ândinat.

¹³Zen yatigâk zâk sot pâlatân urâwe. Zen den bonnâ nângâne zorânâ kubikzingi Yesugâren nângâm pâlatân kwâkngângâne Anutuñâ undipñâ Tirik Kaapum zingip. Anutuñâ Tirik Kaapum ningâbapkât mârûm sâm kâtigeip. ¹⁴Sumbemân zarindâ kut ñâi ñâi ningâbap, zorat undipniñâ Kaapum ningip. Anutu kutsingingângât sâtâre patâ muyagibapkât zâkkât arâpñâ nengâren Kaapumñâ kubikkubik nep zo tuum nangâbap.

Singi âlip zengâren zimbapkât Pauloñâ ninâu sâip.

¹⁵Zen Kembu Yesu nângâm pâlatân kwâkngângâm Kembugât singi a buku otzingâme, zorat den singi nângâwan. ¹⁶Zorat nâ zengât op narâk dâp nângâmñâ Kembugâren sâiwap sâm, sâm âlip kwâkngângâman. ¹⁷Kembuñâ gâsuzingipkât yatâ opman. Oi narâk dâp zengât op ninâu itâ sâm dukuman.

Kembuniñâ Yesu Kristo, zâkkât Anutu, Ibâ, âsakñâ neule mariñâ, zâkñâ Kaapum zingî zorânâ nângânângâ zingâm Kembugât topñâ sâm muyagei nângâm biranji. ¹⁸Oi umziñ ânângâri Kembuñâ gâsuzingâm sumbengât singi kwatzingip, zorat nângâm, nângâm kwâtâtibi. Oi Kembugât arâpñâ zen sumbemân kut ñâi ñâi âsakñâ neuleñoot zingâbap, zorat nângâne bon upap. ¹⁹Oi nângâm pâlatânñiñoot, nengâren imbanâ patâ zorânâ nep tuumap, zorat topñâ nângâbi. ²⁰Imbanâ zorat bonñâ igâwe. Zorânâ Kristo mumuñan gâbâ mângim diim sumbemân zâim Anutugât âsanñâ bongen pâip. ²¹Oi a kutâ sot sumbem a, a top top imbanâziñoot zengât a kâukziñâ pâipkât hânân sot sumbemân kotsingî ziap, zorânâ koi giap. Narâk zirenâk buñâ. Zo yatâ zem zâimâmbap.

²²Anutuñâ a sot kut ñâi ñâi aksik Kristogât ombenjan zâmbamñâ kâukziñ upapkât sâm kâmut gakârâp nengât kembuniñ kwânângip. ²³Zâkkât kâmut zo kiñ bikñâ oindâ giningâm nengât kâukniñ op ândiap. A sot kut ñâi ñâi dâpniñanâk niñgi meindâ dâp op âimap.

Mârûmjan lañ gulip ândiwen.

2 ¹Zen mârûm bâliñ top top opñâ um mumuñâ op ândiwe. Ka Kristoñâ mumuñan gâbâ mângizingi ândie. ²Mârûm zen hân a zengât mâtâp lañ ândim âi wâke zengât a kutâ, Satañ, zâkkât sât lum ândiwe. Narâk ziren zâkñâ singi âlip den ku a mam otzingi ândie. ³Nen mârûm zengât tobat yatâ op ândim sâkkât sot um nângânângâniñangât den lum ândim a nâmbut yatâ Anutugât kukngângât bonñâ muyaginatkât singi op ândiwen.

Anutuñâ mânginingâmñâ sumbengât singi sâip.

⁴Yatâ op ândiwen. Ka Anutu zâk umñâ gâsum birañningipkât buku otningip. ⁵Bâliñâniñangât op um mumuñâ op ândiwen, nen Kristo sot mânginingip. (Zen nânge. Umâlepñangât op kubikningip.) ⁶Zâk

Yesu Kristo sot mânginingâm zâk sot ârândân a kuta tâtarân tâtnatkât sumbemân nâambarip. ⁷Itâ muyagibapkât oip. Tânzângozânogonjâgât gom sambe, zo Yesu Kristo umâlepnanjâgât op mâbâlâkngem ningâbap. ⁸Zen nânge. Zâk tânzângomnâ nânngâm pâlâtânziñanjâgât op kubikziñgip. Zo ziñanjâgât buñâ. Anutu umâlipnanjâgât op sânngân buñ yatâ otziñgip. ⁹Nep nâi tuuwegât yatâ otziñgâbap, zo buñâ. Zorat a nâinâ sâknâ mem zari mân dâp upap. ¹⁰Nen Anutugât biknan gok. Zâk Yesu Kristogâren muyageningip. Oi mâtâp âlipnanjâgât nep tuum ândinatkat Anutuñâ sâm ningip. Mâtâp zo mârûm kubigipkât zoren lân ândinat.

Barin goknandâ kamânân gawe.

¹¹Mârûmnan um kâtik ândiwe, zorat nânngâm ândibi. Zen Yuda a buñâ, kamân nâin goknâ. Oi Yuda a ziñâ kwabâ kwaranjâmñâ ândiweñâ kwabâ ulin sâm dâzânngomarâwe. ¹²Narâk zoren Kristo buñ ândiwe. Oi Isirae a zen Anutugât kâmut ândine zen kwande ândiwe. Isirae a zen Anutu sot târotâro opnâ zâkkât siñgi den mem ândine, zen Anutu kârûm bet bâsanj ândiwe. ¹³Narâk ziren ko zen barin ândiweñâ Yesu Kristogâren târokwap Kristo gilâmnanjâgât op kamânân ândie.

Yesuñâ kâsa koi gei um kânok urâwen.

¹⁴Yesu ziknak lumbeñâniñ ândimap. Zâk a naknâ zagât osetniñan kâsa op pâke kâtik zeip, zo kândañâ Isirae a sot hân nâin nâin gok minduniñgi kâmut kânok urâwen. ¹⁵Zâknâ Yuda nenngât pâke den zeip, zo tâmbetnânngobapkât imbanjâ zemnanjip, zo koi geip. Oi a kâmut zagât nekât kinkin gebagân kâmut unaknâ kânok zâk ziknak muyagem kin lumbeñâ muyageip. ¹⁶Zâk poru nagân moibân a naknâ zagât zo bonnâ kânokgâk mâpotniñngâm Anutu sot buku utnatkat kâsa koi geip. ¹⁷Oi zâk gamñâ barin ândiwe sot kamânân ândiwen, nen lumbeñanjâgât siñgi den dâtnânngoi nânngâwen. ¹⁸Oi nen aksik zâk sot pâlâtân urâwengât Kaapum kânok mem Ibâ mâte oknanjâmen.

A nen Kembangât namâ yatâ utnat.

¹⁹Zorat op narâk ziren zen kwande mân ândie. Zen Kembangât siñgi a nâmbutnâ zen sot Anutugât kamân mariñ op Anutugât kâmut opnâ zâkkât namâ op ândie. ²⁰Namâ zorat tandâ Aposolo sot Propete. Ziñâ laningâne ândien. Ka Yesu Kristo ko kunkunniñ uap. ²¹Zâkkâren anjâ anjâ târokwaîndâ Kembangât hâlâlû namâ muyagem zâimap. ²²Kaapumñâ Epeso kamânân ândie, zen yatik târokwatziñgi Anutugât namâ ue.

Kembuñâ den tiknâ zeip, zo Paulo sâm muyagem pindip.

3 ¹Zorat opnâ Paulo nâ Yesu Kristogât tâk namâ a op ândian. Nâ hân nâin gok zenngâren siñgi âlip nep tuum ândimangât tâk namin

nâbane ândian. ²Zen nâgât singi nângâwe. Anutu tânzângozângonjângât op zengâren singi âlip nep tuubatkât sâm nigip. ³Sâm nimnâ tik den sâm muyagem nigip. Den zorat pânkânok kulemguan. ⁴Kristogât den tiknâ zeip, zo ek nângâman. Zen den zi sâlâpkumnâ nâgât yatâ nângâbi. ⁵Den tik zeip, zo a mârûm ândiwe, zengâren mân sâm muyageip. Narâk ziren ko tirik Aposolo sot Propete nengâren Kaapumnâ sâm muyageip. ⁶Den tik zeip, zo itâ. A hân nâin nâin goknâ, zen singi âlip nângâm nâ lum Yuda a nen sot kâmut kânok op Yesu Kristogât op singi den zorat bonnâ ârândân minat.

⁷Oi singi âlip zorat kore a ândibatkât Anutunâ umâlepnanjângât imbanjâ patâ nigip.

Den tiknanjângât bonnâ Yesunâ muyageip.

⁸Nâ Kembugât singi a nâmbutnâ ombezijan a giginâ op ândiman. Ka lanj Kristogâren umgât gom sambe mân igiknâ ziap, zorat den a hân nâin goknâ sâm muyagem zingâbatkât Kembunâ sâm nigip. ⁹Anutunâ a sot kut nâi nâi muyageningipnâ den tik pâi zeip, zo narâknâ narâknâ mân sâm muyagem ândeip. Ka narâk ziren Anutunâ zo sâm muyagemnâ den zorat bonnâ sâm muyagem zen sot a nâmbutnâ aksik patâ dâzângobatkât sâip. ¹⁰Narâk ziren Anutunâ kâmut gakârâpnâ nengâren nângânângânâ bonnâ mâbâlaknei kulem top topnâ muyagei sumbem a sot a imbanjâziroot sumbemân ândie, zen ek nanjâbi.

¹¹Anutu zâk mârûm hân mân muyageibân den sâm kâtigeip, zorat bonnâ Kembuninâ Yesu Kristo sângongoi gem muyageip. ¹²Oi zâknâ mâtâp mem ninji nângâm pâlâtânj kwap kenjângât buj Anutu mâte oknanjâmen. ¹³Zorat nâ itâ dâzângua nângânek. Nâ zengât op sâknam kwâknjan ândia umziñ mân yâmbâribap. Buñâ. Zen zorat nângânetâ âlip upap.

Paulo zâk Epeso a zengât op ninâu sâip.

¹⁴⁻¹⁵Zorat op ko sumbemân sot hânân a kâmut ândien, niinâ Ibâ bonnâ, zâkkâren pindijsâm zengât op ninâu itâ sâman. ¹⁶Anutu zâk sâi Kaapumnâ umgât gom sambe imbanjâ muyagem zingâ umziñ lâmbat kâtigibap. ¹⁷Oi Kristo nângâm pâlâtânj kwâknjanjâne umziñan tâtat mâme upap. Nak ândânandâ hânân gei kinmap, zen zo yatâ buku orotnâ, zo gâsum kâtigem kinbi. ¹⁸Oi zen Kembugât singi a nâmbutnâ zen sot ârândânj Kristo zâk umnâ gâsâzângomâp, zorat toren toren mâpot nângâm kwâtâtibi. ¹⁹Oi Kristo umnâ gâsâzângomâp, zorânâ a nângânângâziñ walâmap, zo lanj nângâm biranbi. Oi Anutugâren umgât gom sambe piksâm ziap, zorânâ zengâren âi piksâbap. Nâ zengât op yatâ ninâu sâman.

Sâtâre den.

²⁰Imbanjâziroot nengâren nep tuumâp, zâk Anutu. Kut nâi nâi zorat nângâm ninâu sâmen, zorigâk buñâ. Kut nâi nâi walâwalânj upapkât

kâwali tâkŋaŋgap. Zorâŋ ninâu sot nâŋgânâŋgâniŋ walâmap. ²¹Zâkkât op Yesu Kristogâren sot kâmurân sâtâreŋâ narâkŋâ narâkŋâ zem zâimâmbap. Perâkŋak.

Kaapumŋâ minduniŋi kâmut kânok urâwen.

4 ¹Nâ Kembugât nep tuum ândia gâsunim tâk namin nâbanetâ tap ekap zi kulemgum ziŋgan. Zorat zen itâ nâŋgânek. Kembuŋâ gâsâzâŋgomŋâ târârak ândibigât sâm ziŋgip, zorat dâbâk ândibi. ²Gigiŋâ sot um sânduk ândim buku orangâm hâuŋaŋgât den mân sâbi. ³Oi Kaapum zâk lumbeŋaŋgât tâkŋâ mâpotziŋgâm saaziŋgip, zo mânâŋgâtpegât galem orangâm ândibi. ⁴Zen kâmut kânok. Kaapum kânok. Sumbem kânokkât siŋgi, zorat siŋgi kwatziŋgâm diiziŋgip. ⁵Kembu kânok. Nâŋgâm pâlâtâŋ kânok. Too saŋgon kânok. ⁶Anutu zâk Ibâniŋ kânok. Zâk aksik patâ walâniŋgâm kembuniŋâ op ândiap. Oi um dâp imbaŋâ niŋgâm um dâp tâtat mâme opmap.

Kembuŋâ siŋgi âlip nepkât a top top nâambarip.

⁷Kristo zâk nep sâm niŋgip dâp imbaŋâ niŋgâmap. ⁸Zorat Kembugât ekabân den ŋâi itâ kulemguwe, ziap,

“Zâk u sumbemân zarip, narâk zoren tâk namâ a doŋbep diiziŋgâm zarip. Oi a umgât gom sambe sot imbaŋâ ziŋgip.”

⁹Yesu zâk u zarip, zo yen mân sâwe. Zâk hânân sot âmbi hân ombenan geip. Zâk hânân geibân gâbâ âburem zarip. ¹⁰Zâk geip, zâkŋagâk sumbemŋâ sumbemŋâ walâm zarip. Zâk sumbem sot hân piksâm ândibapkât zarip. ¹¹Oi zâkŋagâk a nep sot imbaŋâ ziŋgip, zo itâ. A nâmbutŋâ Aposologât nep sâm ziŋgip. Nâmbutŋâ Propete zâambarip. A nâmbutŋâ siŋgi âlip mem hân ŋâin âiâiŋaŋgât sâip. Nâmbutŋâ kâmut zengât galem a. Nâmbutŋâ siŋgi âlip kwâkâm ziŋgâ a. ¹²Zo zâkkât siŋgi a gakârâpŋâ mem kubikziŋgâm ândinatatkât sâip. Kore nep zo tuugindâ Kristogât ken bet sot bonŋâ lâmbatpapkât a yatâ zo nâambarip.

Siŋgi âlibân mân lorinat.

¹³Zo yatâ op siŋgi âlip topŋâ sot Anutu nanŋaŋgât topŋâ nâŋgâm kwâtâtem um kânok utnat. Siŋgi âlibân ândim lâmbatnatkât sâip. Lâmbatŋâ Kristogât tobat yatâ op ândinat. ¹⁴Nen katep maik yatâ mân op ândinat. Wangât, Sarâ a ziŋ um gulip kwatniŋgânam upme, zorat. Sarâziŋandâ pibâ yatâ mân mem kâbakŋeniŋi kâtigem kinat. ¹⁵Itâ op ândinat. Nen umniŋandâ a gâsâzâŋgom den bonŋigâk dâzâŋgonat. Yatâ op ândeindâ mâtâp zo mo zo tirâpnâŋgoi zoren ândim kâukniŋ Kristo, zâkkâren târokwap kin lâmbatnat. ¹⁶Zâkkâren târokwâindâ sânnâmnijandâ sipapagoi sâkniŋ kânok opmap. Oi torerâpŋâ opŋâ imbaŋâ zemniŋgap sot nep sâm niŋgip dâp nep tuumŋâ umŋâ gâsâyagom sâk kânok lâmbatnat.

Kwakmak mân ândinat.

¹⁷Kembugât op tâk namin nâbarâwe, nâ den nâi dâzângobâ. Um kâtik a, zen nângânângâziņ kut nâi nâi yenņan pane zemap. Zen ko zengât tobat yatâ mân upi. ¹⁸Um kâtik a, zengât um nângânângâziņ nâtâtik oip. Um kâtik op Anutugât ândiândi kândâtkum ândiwe. ¹⁹Oi um nângânângâziņ buņ sii nalem laņ nemņâ âkņâle sot bâliņ top top âkon buņ upme.

²⁰Epeso a, zen ândiândi yatâ ândibigât mân kwâkâm ziņgâwen. Kristogât topņâ sâm dâzângom ândiwen. ²¹Den topņâ kwâkâm ziņgâwen oi ko Yesugâren den bon ziap, zo nângâwe. ²²Zen ândiândi sângiņâ kândâtkum umziņâ sângiņâ âkņâle sarâ zoren tâmbetkume, zo lândim pambi. ²³Oi Kaapum nângâņangâne umziņ mâņgei uņakņâ upi. ²⁴Oi ândiândi uņakņâ mem ândibi, zo Anutugât tobat yatâ opņâ târârak sot hâlâlu muyageip.

Bâliņâ top top birânat.

²⁵Zorat zen sarâ birâm den bonņigâk sâm âragubi. Nen buku kânok ândien, zorat op yatâ utnat. ²⁶Kugân bâliņ mân upan. Kuk den mân mem ândina mirâsiņ geibap. ²⁷Satangât tirek mân kwâpan. ²⁸Mârum kâmbu opmarâwe, zen birâm betņâ nep tuum kât nalem muyagemņâ a kanpitâ âlip tânzângobi. ²⁹Den bâliņâ lâuziņan gâbâ mân gibap. Den âlipņigâk tânagom sânetâ zorâņâ a tânzângom umziņ kelikapap.

³⁰Anutugât Tirik Kaapumņâ umbâlâ opapkât diņâ mân birâbi. Anutugât tirik Kaapum, zo zengâren undip pâip, ziap. Gâsuziņgâbapkât narâkņâ mâte oi Anutuņâ zo ekņâ gâsuziņgâbap. ³¹Kâsa den, um kâlak, umân pâpan den, den sârek, kuk den sot kut nâi nâi sumunņâ zo zengât osetziņan mân zimbap. ³²Zen buku opņâ âlip oranggâm tosa birâm ândibi. Anutu zâk yatik Kristogât op tosaziņ birip.

Bâliņâ kândâtkom ândinat.

5 ¹Zen nan bârarâpņâ op ândie, zorat Anutuņâ opmap, yatik op ândibi. ²Oi buku op umziņâ gâsâyagom ândibi. Kristo zâk yatik buku otningâm neņgât opņâ ândiândiņâ birip. Zo Anutuņâ egi âlip yatâ oip. Kembugât siņgi nalem une sei nâņgi âlip opmâip, zo yatâ.

³Laņ mâman sot kut nâi bâliņâ, mân orotņâ sot a nâigât kut nâi nâi zorat âkņâle op laņ mimiņ, zorat tâtâlek den zo mân sâbi. ⁴Den aņunņoot, den laņ sâsaņâ den gân yatâ sâroken zo sâne bâliņ upap. Sâiwap den sot sâm âlip den sâne dâp upap. ⁵Zen itâ nângânek. Laņ mâman a, den sumunņâ sâme. A nâmbut zengât kut nâi nâi âkņâle op laņ mime. A yatâ zo, zen Kristo, Anutu umzik topņan tâtatņâ zo kârubi. A nâmbutņâ zengât kut nâi nâi zorat âkņâle op laņ upme, zen a ziņ lopio

hurat kwapme yatâ Anutu kândâtkom umziŋ hângât kut n̄ai n̄ai zoren pane zemap.

Tik kut n̄ai n̄ai aŋunŋoot mân utnat.

⁶Kâitzângom sarâ den dâzângone nângâne bonŋâ mân upap. Bâliŋâ top top zorat Anutu kukŋaŋgât bonŋâ zo den ku a zengâren muyagibap. ⁷⁻⁸Zoren zen mân betziŋan mimbi. Zen mârumŋan n̄atâtik sot ândiwe. Zi ko Kembugâren gam âsakŋâ op ândie. Zorat âsakŋaŋgât kiurâp op zâkkât tobat op ândibi. ⁹Âsakŋaŋgât bonŋâ muyagemap, zo itâ. Umâlip ândiândi sot târârâk ândiândi sot perâkŋak den sâsân. ¹⁰Kut zo mo zo utnam Kembuŋâ n̄angi âlip upap mo buŋâ, zen zorat nângâm sâlâpkum ikpi.

¹¹Nâmbutŋâ n̄atâtikkât kut n̄ai n̄ai utne mân betziŋan mimbi. Buŋâ. Bâliŋâziŋâ sâm kâkŋan kwatziŋgâbi. ¹²Um kâtik zen kut n̄ai n̄ai tik upme, zo ekap ziren mân sâm muyagian. Zo sâm muyagia sâi ko aŋunŋoot opap. ¹³Kut n̄ai yatâ, zo sâm kâkŋan pâindâ âsakŋandâ zeri zorat topŋâ muyagibap. Oi kut n̄ai muyapŋâ ziap, zorâŋ âsakŋoot upap. ¹⁴Zorat Kembugât ekabân den n̄ai itâ ziap,

“Uman zematŋâ zaat. Mumuŋan gâbâ zaat. Kristoŋâ âsakŋâ muyagem gibap.”

Um kâtik op nepkât narâk mân tâmbetkunat.

¹⁵Zorat op ko zen ândiândiziŋaŋgât galem op ândibi. Oi mân nângâm nângâm yatâ buŋâ. Um nângânângâziŋoot ândibi. ¹⁶Narâk ziren bâliŋandâ laŋ kârâm ziapkât narâk nâmbut mân birâm nep kâtigem tuubi. ¹⁷Zorat um nângânângâziŋ buŋâ yatâ mân ândibi. Nep zo mo zo utnam Kembuŋâ n̄angi âlip upap mo buŋâ, zorat nângâm sâlâpkum ikpi.

¹⁸Oi too kâtik nem um gulip orotŋâ, zo mân upi. Zo tâmbetagoagoŋaŋgât nep. Kaapum ko nângânângâne umziŋan piksâi ândibi. ¹⁹Kaapumŋâ mem bâbâlaŋ kwatziŋgi mâpâmâpâse kep mem um aŋgâgwangâ upi. Oi umziŋandâ Kembugât kepŋâ mem sâm sâtâre okŋaŋgâbi. ²⁰Oi Kembuniŋâ Yesu Kristogât opŋâ narâk dâp Anutu Ibâ kut n̄ai n̄aiŋât sâiwap sâm, sâm âlip kwâkŋaŋgâbi.

²¹Zen Kristo hurat kwâkŋaŋgâm umŋâ âwe kwarâŋgâm ândibi.

A ambân zengât den.

²²Ambân zen Kembugât sât lulu ândie, yatik abârâpziŋ zengât op ândibi. ²³Apŋandâ ambinŋaŋgât kâukŋâ uap. Zo yatik Kristo, zâk zengât kâukziŋ uap. A ambân gakârâpŋâ zen kiŋ bikŋâ ândie. Oi zâk kiŋ bikŋaŋgât kubikkubik uap. ²⁴Oi kâmutŋâ Kristogât sât lumap, zo yatik ambân zen narâk dâp abârâpziŋaŋgât den lum ândibi.

²⁵Kristo zâk umŋâ kâmut gâsuniŋgâm buku otŋiŋgip. A ziŋ zo yatik umziŋ âmbirâpziŋ gâsuziŋgâm buku otziŋgâbi. Kristo zâk kâmutŋâ buku

otningâm nenġat suup meip. ²⁶Zâknâ kâmut diġâ sot too sanġonningâm kubikniġi salek op Anutu mâteġan hâlâlu kinatkât yatâ oip. ²⁷Oi kâmutġâ sanġon kubikniġi hâlâlu sot tosanġi buġ sot neuleniġoot mâteġan nâmbanbapkât sâm pindip. ²⁸Oi a zen ziġi sâkziġi galem upme, yatigâk ambirâpziġi galem otziġgâbi. Iġâi zâk ambiniġâ dâġ galem upap, zo zikġâ sâk yatik galem oranġâbap. ²⁹A zikġâ sâkġâ mân kâsa okġanġâmap. Buġâ. On galem oranġâm ândimap. Kristoġâ kâmutġâ otningâmap, zo yatâ. ³⁰Kristo zâk kâukniġâ ândiap. Oi nen kiġ bikġâ, sâkġanġât torerâp ândienġât yatâ galem otningâm ândimap. ³¹Kembugât ekabân den ġâi itâ ziap,

“Zorat a ġâiniġâ ibâ mamġâ zâpam ambiniġanġâren âi pâlâtâġi oi zet um sâk kânok op ândibabot.”

³²Den zo den sumbuġâ. Den zorat topġâ itâ nânġan. Kristo sot kâmut, zenġât op sâip. ³³Oi den zorat topġâ ġâi itâ. Ap ambin, zenġât op sâip. A aksik zen sâkziġi buku otziġgâme, zo yatik âmbirâpziġâ buku otziġgâm ândibi. Oi ambân zen abârâpziġi hurat kwatziġgâm ândibi.

Ibâ mam sot katep, zenġât den.

6 ¹Katep zen Kembugât op ibâ mam zenġât den lubi. Zorâġâ mâtâp âlipġâ. ²“Ġâ ibâ mamġâ hurat kwatzikâm dinzik luban.” Den kâukġâ zo Moseġât den kâtik ekabân ziap. Oi den ġâi itâ târokwap sâsâġâ, ³“Yatâ op hânân narâk kârep ândim kwâtâtiban.”

⁴Ibâ zen nan bârarâpziġi um kâlak muyagibegât kut ġâi kârâpġoot laġ mân otziġgâbi. Kembugât den dâzânġom kubikziġgâm galem otziġgâne lâmbatpi.

A patâ sot kore a, zenġât den.

⁵Kore a zen hân a patârâpziġi hurat kwatziġgâm umziġi kânok ze i Kristo kore okġanġânât yatâ upap sâm zo yatik patârâpziġi bimbi kwatziġgâm zenġât sâtziġi lum ândibi. ⁶Hân a patârâpziġâ mâte pirik otziġgâne ziġitne âlip upapkât buġâ. Nen Kristogât kore a sâm Anutuġâ mâtâp sâm ziġip, zo lânġi. ⁷Zen itâ nânġâbi, “Nen a zenġârâk kore buġâ.” Yatâ nânġâm Kembugât nânġâm nepziġi âkon buġi tuubi. ⁸Zen nânġâme. Iġâi zâk kore a mo a patâ ândim kut ġâi ġâi âlipġâ op ândibap, zâk Kembuġâ hâuġâ yatik pindâbap.

⁹Oi a patâ zen kore arâpziġi yatik galem otziġgâm ândibi. Oi mân zânġom ziġitsâbi. Kârâpġoot mân otziġgâbi. Kore a sot a patâ, zenġât patâziġâ sumbemân kembu patâ op ândiap. Zâk hâtubâtu mân otningâbap, zo nânġâm ândibi.

Kâsa mân igikġâ ândime.

¹⁰Sâm kwâkâm sâbâ. Kembugâren târokwatne imbanġâġâ zenġâren ze i zo mem kâtigem ândibi. ¹¹Oi Anutugâren ġâbâ kâmbamġât hâmbâ timbâ

mot mem ândine Satangât kâwali arâpandâ kâitzângonam gane kâtigem kinbi. ¹²Zen nângâme. Kâsarâpniŋ, zo hân a buŋâ. Zen a mân igikŋâ. Zen Satan sot wâke gakârâpŋâ. Zen bâliŋ op ândime. Ŋâtâtikkât nep a, a kutâ sot a imbaŋâziŋoot. Nen zen sot kâsa upmen. ¹³Zorat nen Anutugâren gâbâ hâmbâ timbâ mot mem kâmbam narâk, narâk bâliŋan kâtigem kirindâ kâsarâpniŋ ziŋ osiniŋgâm birâm âibi.

Kâwaligât kut ŋâi ŋâi mem ândinat.

¹⁴Nen itâ kinat. Den bonŋandâ inzutniŋ oi mem lap ândinat. Târârak ândiândiŋandâ hâmbâniŋ oi akum ândinat. ¹⁵Lumbeŋangât ŋiŋi âlip mem kinat. Zorâŋâ kipâke gine giari lâŋ kâtigem kinbi. ¹⁶Oi mamŋâ patâ ko nângâm pâlâtâŋâ dugumniŋ oi mem kirindâ kâsa, bâliŋâ mariŋangât liŋgip kâlâunâ zo gâi kom kâbakŋibap. ¹⁷Oi pindok kâtik kutŋâ kubikkubik, zo kâukniŋan akunat. Oi Kaapumgâren gâbâ sâu patâ, Anutugât den, zo mem kinat. ¹⁸Narâk dâp Kaapum wâratkum Kembugâren ninâu sâm mâpâsem ândinat. Oi laŋ gulip mân ândim, âkon buŋ galem oraŋgâm ândinat. Oi kamân dâp Kembugât ŋiŋi a zeŋgât op ninâu sâm ândinat.

¹⁹Oi zen nâgât op ninâu sâm ândine Kambuŋâ lâunâ mem bâbâlaŋkoi ŋiŋi âlipkât den tik zeip, zo sâm muyagibat. ²⁰Na zorat ŋiŋi sâsâŋ a ândiangât tâk namin nâbane zeman. Zen nâgât op ninâu sâne keŋgât buŋ ŋiŋi âlip sâm muyagia dâp upap.

Den murukŋâ.

²¹Tâk namin dap dap yatâ ândiman, zen zorat kwakpegât Tikiko, zâkŋâ zeŋgâren gamŋâ zorat den ŋiŋi otziŋgâbap. Tikiko, zâk bukuniŋ âlipŋâ, Kembugât kore a sât luluŋoot. ²²Zâkŋâ neŋgât den ŋiŋi otziŋgâm umâlep kwatziŋgâbapkât sâŋgongua gaap.

²³Bukurâpnâ, Anutu Ibâ sot Kambu Yesu Kristo, zikŋâ zen lumbe muyageziŋgâm nângâm pâlâtâŋziŋ mem kâtigei buku oraŋgâm ândibi.

²⁴A umziŋandâ Kambu Yesu Kristo gâsum lum kâpim ândimambi, zeŋgâren tânzâŋgozâŋgoŋ zimbap.

Zo yatik.